

Caribbean Mercantile Bank N.V. a introduci e prome Bancomacito na Aruba

ORANJESTAD(AAN) — Caribbean Mercantile Bank N.V. oficialmente a cuminsa cu su servicio Bancomacito pa e publico di Aruba Diahuebs atardi na su sucursal na Boulevard den presencia di miembronan di prensa. E potret ta muestra Bill Carson, Director Gerente y Chito Jansen, oficial administrativo di Caribbean Mercantile Bank usando e Bancomacito pa un di su varios servicionan.

Cu orguyo Caribbean Mercantile Bank N.V. a

inaugura e Bancomacito na Aruba como un servicio di caha automatico introduciendo asina e tecnologia mas recien den mundo Bancario Internacional y uno cual e pueblo di Aruba ta merece. Bancomacito ta brinda servicio di caha 24 ora pa dia 7 dia pa siman cu varios funcion manera lantamento di placa efectivo, haci deposito y paga recibonan di awa, telefoon y coriente entre otro.

Cu e Bancomacito aki Caribbean Mercantile

Bank N.V. atrobe ta e prome Banco cu ta trece su servicio nobo pa industria bancario Arubano manera cu tabata e caso na 1986 cu e "Drive Trough Bank".

Ademas banco a anuncia cu e lo instala tambe

un Bancomacito na su oficina principal na Nassaustraat durante April 1988 despues di a termina cu e renovacionnan cual a inicia recientemente.

Manera ta banco su customer pa reconoce e esfuerzonan di trabao cari-

tativo importante haci ariba Aruba, Caribbean Mercantile Bank N.V. tabatin e placer di entrega donacion na FADA (Fundacion Anti Droga Aruba), Apades (Fundacion Ayudo pa desempleo) y Koningin Wilhelmina Fonds.

Richard Nadal: Un morto natural

ORANJESTAD(AAN)— Ayera e señora M.G. biba na Cadushi Largo a yama DIARIO y a bisa cu e noticia cu Polis a duna encuento fayecimento di difunto Richard Nadal no ta corecto.

Segun señora M.G., tabata Diamars mas o menos 10.30 or di anochi ora el a yega cas y su yiu mas grandi a core bin serca dje na yoramento y a bise cu difunto Nadal ta muriendo.

M.G. a core bay paden y a haya Nadal drumi ariba suela y su curpa tabata friu. Nadal tabata trata di papia cu M.G. pero no a logra. M.G. inmediatamente a yama 115 y a solicita

pa un ambulance.

M.G. a manifesta cu ultimo dianoan Nadal no tabata sinti su curpa bon y tabata bebe. Su yiu a bise cu Nadal a grita y despues a cay abao.

Ta personal di ambulance a bisa e agentenan policial cu Nadal a haya un ataque di curazon.

Ora Nadal a yega hospital el a fayece. Segun mediconan difunto Nadal a muri un morto natural. M.G. a bisa cu no ta berdader cu a confisca e curpa. Despues cu mediconan a bisa cu ta trata aki di un morto natural no ta necesario pa haci un autopsia.

Atraco y maltrato pa un dollar

ORANJESTAD(AAN)— E atracador a maltrate y a bay cu un cartera conteniendo algun recibo y 1 Dollar.

Diazon mas o menos 11'or di mainta a presenta na oficina di Recherche e homber M.K., kende a entrega keho pa atraco contra e conocido di Polis R.F.S. biba na Sero Bentana.

Segun K., Diasabra mas o menos 3'or di madrugada

S. a ataque na haltura di un bar situa den e caminda principal di San Nicolas.

S. a dal K. moketa na cara. A consecuencia di esaki K. a resulta cu nanishi hincha y cap na lip.

Despues di maltrata K., S. a bay cu e cartera conteniendo algun recibo y un Dollar.

Recherche ta investigando e caso.

KWANTUM SALE N.V.

Shellstr.1-A tel.21180

GRANDIOSO BARATILLO

ariba TUR Mercancia. Compra 2 y paga mitar di un di nan e.o.: CARSON, SHIRTS, SERBETE, MEA GLAS SET di LAKEN etc. etc.

Tin servicio di 24 ora di aparatonan di Condom na Kwantun y Kelly Enterprises.

NATALY PIMIENTA

Youth Queen di

TUFF KIDS FAN CLUB

ta invita tur su Friendsnan pa bin apoye Awe na Stadion di R.C.A.

Y por pasa buska t-shirt na

TUFF KIDS BOUTIQUE

Candidata Nr.5.




CUMpra BO T-SHIRT

di

DIARIO

Y GANA

FL 250,- CASH!



Pasa compra di bo pa SOLAMENTE fls.5,-

y bo por participa den

E CONCURSO di DIARIO cu tin como prome premio Fls. 250,- CASH!

mas DIEZ PREMIO di Fls.50,-

Pasa awe sin falta y compra bo T-SHIRT DI DIARIO y ena un coupon y bo tambe ta participa den nos concurso.

Nos tin size: 30 - 32 - 34 - 40 - 42 y 44

PURA NO KEDA AFO!!!